

Cietranzsiuh — Gij Mbouj Doengz Ciet Mozit Daihvuengz

□ Veiz Yui Vangz Lili / 韦 睿 黄丽丽

Mozit Daihvuengz dwg gojgaeq-saenz ndaw sim Bouxcuengh. Youq dieg baihbaek Guengjsae, Bouxcuengh dawz Mozit Daihvuengz dangguh saenzlingz gunghawj, aen ham ndaw ranz laeb miz aen saenzvih Mozit Daihvuengz.

Binaengz liggaeuq roek nyied co’ngeih, dangdieg lij miz ngoenzciet cienmonz hawj Mozit Daihvuengz hwnjyeng, couhdwg “Ciet Mozit Daihvuengz”, hix heuhguh “Ciet Muih Cauh Haeux” “Mozit Daihvuengz Guh Vuengz” roxaeuz “Ciet Saenz-betmih”. Ndawde, suenq ranghdieg Gyanghlungz、Liujgyangh cei q hwn g. Cien z gangj ngoenzneix dwg ngoenz-seng Mozit Daihvuengz, aenvih de gouq Bouxcuengh miz goeng, caemhcai q baujyouh gohaeux ndaej fungsou, Bouxcuengh vih docih aen-daek de, couh youq bakmbanj hwn g muih, ndawranz cunglaeb saenzvih.

Youq Gvangjsih Liujcouh Yungzanh Yen, cix miz aen cien z gangj wng. Doxcienz bi 16 Hungzvuj (Denhsun vuengzdae q), Mozit Daih-vuengz caeuq 6 boux ciengqlingj doengzcae z daengz Gvangjsih Cangz-anh bingz gij luenh vunzyak. Seizhaenx, bing vunzyak souj youq dah baihsae, Mozit Daihvuengz couh gag dai q geij bak bing hoenx gaxgonq, naengh aenruz, aensaz doh gva q dah baihsae. Bing vunzyak raen guenbing daengz haenz, couh dawz gyoengqde humx hwnjdaeuj hoenx gaj, buek bing neix deng gaj dai caez lo. Dangseiz,

Mozit Daihvuengz lij youq ndaw dah, seizneix raemxdah nyoenx hwnj sang, aen ruz de boihseiz deng fan, couh dai lo.

Denhsun vuengzdae q dingqnyi naeuz le ndatheiq raixcaix, roengz lingh gaj dai 6 boux ciengqlingj, gyoengq guenhak naeuz gaj mbouj ndaej, cai q hawj vuengzdae q gangj hawj 6 boux guenbing neix dai q coih laeb goeng, hanhgeiz ndwen ndeu ndawde hoenx bai h bing vunzyak. Yienghneix, gyoengqde bwh le baenz cien baenz bak aenruz aensaz, haj haij Lungzvuengz baujyouh, youq haj nyied ngeihcib bet hau h dawz bing vunzyak gaj dai lo.

Daihgya vihliux geiqniemh Mozit Daihvuengz, moix bi liggaeuq roek nyied co’ngeih aeu faengxhahjhaij、5 boi laeuj、caeuq song du z bit (du z cug du z lix)、gae q geij yienghneix daeuj caeq de, cungj fungsug neix daengz seizneix gaenq miz geij bak bi lo.

Ngoenz ciet neix, dahsau bae haq cungj dauqma ranzdai q, caeuq beix-nuengx doxcomz, caencik baengzyoux hix daeuj gwn haeux, daihgya caez suek faengx, naengj lwgmanh, gaj gae q gaj bit, loengh gwn bai q coj.

Youq yienh Yungzanh, aenvih ngoenzneix dwg ranz Siuh bai q coj cei q hoengh, gyoengqde hix heuh de guh “Cietranzsiuh”. Vunz ranz Siuh cungj dwg Bouxcuengh, gij ham ndawranz laeb miz coh Mozit Daih-vuengz. Gyoengqde mbouj gva q ngux

nyied co’ngux, Cietranzsiuh ndaej suenq guh ciet ngux nyied co’ngux gyoengqde. Cietranzsiuh itdingh aeu miz faengx. Hamh faengx ca mbouj geijlai, hoeng gij yiengh faengx mbouj doxdoengz, gawq mbouj dwg sam gak hix mbouj dwg sei q gak, cix dwg haj gak, yienghceij lumj aen daezyiengz, ndigah heuhguh “faengxdaezyiengz”, youh heuhguh “faengxhahjhaij”, caeq cungj faengx neix, maqmuengh sim gohaeux fungsou、sei q geiq bingzan. Dingqnaeuz “faengxdaezyiengz” dwg ranz de gag miz, cij miz gyoengqde ndaej gwn. Danghnaeuz vunzrog loeng gwn lo, couh aeu caeuq vunz ranz Siuh caez gva q roek nyied co’ngeih.

Itbuen youq dingdangz (yangh-hojdangz) bai q coj, youz doengh boux ge q dai q, faen baenz caeq cug caeq ndip, aeu youq gwnz daiz bai q gae q ndip、bya ndip caeuq di laeuj, 5 aen “faengxdaezyiengz” bai z caezcingj. Mwh caeq cug, gij doxgai q gwnz daiz aeu vuenh baenz byaekcug. Cae q lix caeuq caeq cug ca mbouj geijlai, youz bouxlaux diemj yieng gonq, baek yieng youq gwnz faengx, cai q raix laeuj hawj boi, baenzneix dem laeuj sam baez. Cae q ndip caeuq caeq cug sat le, bai q coj cij suenq guh baenz.

Gvendaengz gij laizloh Ciet-ranzsiuh, ndawbiengz lij miz lingh aen cien z gangj dem. Doxcienz youq 300 bi gaxgonq, Yungzanh caeuq Yungzsuij gvi Yungzyen. Diegneix haeujok dingzlai baengh ruz. Cangz-

anh Cin baihgwnz dwg Gveicouh baihlaj dwg bak haij, doxgai q sei q fueng bet bai h comz sanq youq neix, gig mwnhoengh. Hoeng, hix aenvih diegvih de ndei, ciengzseiz deng caeq deng ciengj. Vihliux gij ancienz bonjfaenh, gyoengqde laebbaenz le duivuj ndeu, hoeng aenvih mbouj miz geijlai ginghyen, mbouj dingj ndaej maz saeh.

Doeklaeng baihgwnz baij boux cienghginh ndeu guh bouxdaeuz gyoengqde, dawz duivuj gyahung, youq ngux nyied co’ngux gaxgonq bae dwk bingcae g, youq roek nyied co-engeih ngoenzde dwk hingz lo, bek-singq dangdieg ndaej gva q gij saedceij an’onj lo. Boux cienghginh neix heuhguh Siuh Cungfu, aenvih dwk bingcae g mbouj ndaej gva q ngux nyied co’ngux, vunz lajmbanj youq ngoenzneix bang de bouj gva q. Youh aenvih de dwk bingcae g miz goeng, baihgwnz ciengj de 18 aen mbanj, youq seizneix Mbanjmehndei、Mbanj-roenhanq caeuq Mbanjsamdou daengj dieg duh Yungzanh Yen. Seizneix gij vunz singq Siuh youq Nanzgyangh 18 aen mbanj cungj dwg gij lwglan de, ndigah Cietranzsiuh youq dangdieg gig hwn g.

Gyonj hwnjdaeuj gangj, mbouj-lwnh heuhguh “Ciet Mozit Daih-vuengz” roxaeuz “Cietranzsiuh”, cungj dak miz gij maqmuengh Bouxcuengh dangdieg gouz aeu fwnraemx cuk、haeuxgwn ndaej demsou、doi hduz maj hwn g.

Gonh Bya

□ Mungz Ningz / 蒙 宁

Daengz seizcou lo, raemx ndaw rij mboek raemx gig feuh lo, cingq dwg seiz ndei gonh bya.

Yaek bae gonh bya gaxgonq, dou geij lwngyez bae cunz rij gonq. Dou nyinhnaeuz duenh rij lawz miz bya, couh youq duenh rij baihgwnz caep diuz fai iq ndeu laengz raemx, baenzneix le youq duenh rij baihlaj homh diuz fai, dawz raemx ndaw fai gonh hawq, couh ndaej gaeb bya lo.

Gonh bya dwg aen gunghcwng hung ndeu, hung naek youh dwgrengz, caemhcai q aeu vunzlai caez guh. Mbangj vunz fucwz daj ndaw naz vat namh daeh daengz ndaw rij dong baenz fai, laengz maenh raemx rij duenh baihgwnz; mbangj vunz fucwz gonh hawq raemx ndaw vaengz baihlaj

fai; mbangj fucwz gaeb bya. Sam mbangj vunz, danghnaeuz mbangj lawz guh menh cungj mbouj ndaej lo.

Gij vunz caep fai aeu mbouj dingz mbouj duenh coh gwnz fai dem namh, mboujnex raemx muenx gva q dingj fai, fai lak le, couh bae rengz ndwi lo. Gij vunz gonh bya aeu vai q, yaek ganj youq fai lak gaxgonq gonh raemx hawq. Gij vunz gaeb bya engq aeu vai q, bya’ndoek cei q hoj gaeb, gyoengqde dingzlai cungj ndoj youq cong h gamjrin、gamjnamh ndaw rij, ndaej baenz aen baenz aen cong h mbon aeu. Caiqlix bya’ndoek gig raeuz, lij miz song diuz geiz soemset ciengz coeg fwngz vunz ndaej lwedriri. Vihliux mienx deng geizbya coeg sieng, dou aeu bak roengq goemq youq



baihna j bakcong h, cai q yungh faex-gyaengh gyaep bya ndaw cong h haeuj ndaw roengq.

Hix miz seiz saetbai h, lij caengz ndaej gaeb bya, fai baihgwnz lak lo, raemx ndaw vaengz yaek gonh hawq haenx, sikhaek dauq rim raemx lo. Da yawj gij ciengzmienh aen fai lak raemx hungmbwk, cai q yawj vunz ndaw vaengz yienghnyaenq, daihgya mbouj-danh mbouj nyap, dauqfanj caez angq

hemq “yahhi—”, hwk ndaej duz-lingz gwnz bya mbouj rox fatseng maz saeh, hix mbouj dajnauh lo. “Yahhi” dwg gyoengq vunzlaux lajmbanj youq seiz coux bawx gwn laeuj angq cij hemq, gyoengq lwngyez dou guh’angq ndaej cei q angq seiz, hix hag yiengh vunzlaux hemq.

Seizcou dou youq ndaw rij gonh bya couhdwg yienghneix vaiqvued、yienghneix angqyangz!